



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LEKHAYA (HL)**

**IPHEPHA LESIBILI (P2)**

**2021**

**IMITLOMELO: 80**

**ISIKHATHI: Ama-iri ama-2½**

**Iphepheli linamakhasi ama-30.**

**YELELA**

1. Umfundi kufanele afunde ikhaseli ngokukhulu ukuyelela ngaphambi kobana aphenhule imibuzo.
2. Ungalingi ufunde iphepha lemibuzo loke. Qala ikhasi lokumunyethweko elisekhasini elilandelako bese utshwaya iinomboro zemibuzo ebuzweko ngeencwadi ozifunde kilomnyaka. Ngemuva kwalapho, funda imibuzo le bese ukhetha leyo ofisa ukuyiphendula.
3. Iphepheli LINEENGABA EZINTATHU:  
  
ISIGABA A: linkondlo (30)  
ISIGABA B: Inovela/Ubukghwari bomlomo (25)  
ISIGABA C: Umdlalo/Idrama (25)
4. Landela imilayo esekuthomeni KWESINYE NESINYE isigaba ngokuyelela.
5. Phendula IMIBUZO EMIHLANU seiyoke:  
  
EMITHATHU KUSIGABA A  
MUNYE KUSIGABA B  
NAMUNYE KUSIGABA C
6. Sebenzisa irherho lokuzihlola ukuqinisekisa bonyana yoke imibuzo uyiphendulile.
7. Tlola iinomboro zeempendulo zakho zifane patsi nangendlela ezinonjorwe ngayo ephepheni lemibuzo.
8. Thoma ESINYE NESINYE isigaba ekhasini ELITJHA.
9. Isikhathi esiphakanyisweko sokutlola isigaba ngasinye:  
  
ISIGABA A: Pheze imizuzu ema-40  
ISIGABA B: Pheze imizuzu ema-55  
ISIGABA C: Pheze imizuzu ema-55
10. Tlola ngesandla esihle nesibonakalako.

# IKHASI LOKUMUNYETHWEKO

Ikhaseli lizokwenza ukobana umfundi akhethe imibuzo afuna ukuphendula ngayo ngaphandle kobana afunde iphepha loke.

<b>ISIGABA A: IINKONDLO</b>			
<b>linkondlo ezibonweko: Phendula ANYANA ngimiphi imibuzo EMIBILI.</b>			
<b>INOMBORO YOMBUSO</b>	<b>UMBUSO</b>	<b>IMITLOMELO</b>	<b>IKHASI</b>
1. 'Uyazitshayela'	Umbuzo omude	10	5
2. 'Amavunda'	Umbuzo onemibuzo emifitjhani	10	6
3. 'Sahlulwa Kuphandlululana'	Umbuzo onemibuzo emifitjhani	10	7
4. 'Layaph' Iphasi Lekhetu?'	Umbuzo onemibuzo emifitjhani	10	8
<b>KANYE</b>			
<b>Ikondlo engakabonwa: Ukatelelekele ukuphendula umbuzo lo.</b>			
5. 'Yayaph' ihlonipho?'	Umbuzo onemibuzo emifitjhani	10	9
<b>YELELA:</b> Phendula umbuzo OWODWA ngaphasi kwalesisigaba. Nawukhethe umbuzo OMUDE enovelini nofana ebukghwarini bomlomo qinisekisa bona ukhethe umbuzo onemibuzo EMIFITJHANI emdlalweni.			
<b>NOFANA</b>			
Nawukhethe umbuzo onemibuzo EMIFITJHANI enovelini nofana ebukghwarini bomlomo qinisekisa bona ukhethe umbuzo OMUDE emdlalweni.			
<b>ISIGABA B: INOVELA/UBUKGHWARI BOMLOMO</b>			
<b>INOVELA: Phendula umbuzo MUNYE encwadini yenovela efundweko.</b>			
6. Mbala Ngubaba	Umbuzo omude	25	11
7. Mbala Ngubaba	Umbuzo onemibuzo emifitjhani	25	11
8. UKholiwe	Umbuzo omude	25	14
9. UKholiwe	Umbuzo onemibuzo emifitjhani	25	14
10. UBonakele	Umbuzo omude	25	16
11. UBonakele	Umbuzo onemibuzo emifitjhani	25	16
<b>UBUKGHWARI BOMLOMO: Phendula umbuzo MUNYE encwadini yobukghwari bomlomo efundweko.</b>			
12. Ibhola lomilo neembongo zakaRholihlala Nelson Mandela	Umbuzo omude	25	18
13. Ilitje lemilingo	Umbuzo onemibuzo emifitjhani	25	18
<b>ISIGABA C: UMDLALO/IDRAMA</b>			
<b>Phendula umbuzo MUNYE encwadini yomdlalo ofundweko.</b>			
14. Ibhudango Lami	Umbuzo omude	25	22
15. Ibhudango Lami	Umbuzo onemibuzo emifitjhani	25	22
16. Umbango KaNzunza NoManala	Umbuzo omude	25	25
17. Umbango KaNzunza NoManala	Umbuzo onemibuzo emifitjhani	25	25
18. Ifindo	Umbuzo omude	25	28
19. Ifindo	Umbuzo onemibuzo emifitjhani	25	28

**YELELA:** ESIGABENI B no-C, phendula umbuzo OWODWA omude kanye NOWODWA umbuzo onemibuzo emifitjhani. Awukafaneli ukuphendula imibuzo EMIBILI emide nofana EMIBILI enemibuzo emifitjhani.

**IRHELO LOKUQINISEKISA**

Tlola itshwayo (✓) erhelweni lokuqinisekisa elilandelako ukuhlola bona uphendule yoke imibuzo elindelekileko.

ISIGABA	IINOMBORO ZEMIBUZO	INANI LEMIBUZO EZOKUPHENDULWA	TLOLA ITSHWAYO EMBUZWENI OWUKHETHILEKO (✓)
A: IINKONDLO (linkondlo ezibonweko)	1–4	2	
A: IKONDLO (Ikondlo engakabonwa)	5	1	
B: INOVELA/UBUKGHWARI BOMLOMO (Umbuzo omude NANYANA umbuzo onemibuzo emifitjhani)	6–13	1	
C: UMDLALO/IDRAMA (Umbuzo omude NANYANA umbuzo onemibuzo emifitjhani)	14–19	1	
<b>YELELA:</b> ESIGABENI B no-C, phendula umbuzo OWODWA omude kanye NOWODWA umbuzo onemibuzo EMIFITJHANI. Awukafaneli ukuphendula imibuzo EMIBILI emide nofana EMIBILI emifitjhani.			

**ISIGABA A: IINKONDLO**

Iinkondlo ezibonweko (UMBUZO woku-1 ukuya embuzweni wesi-4): Phendula imibuzo EMIBILI kwaphela.

Iinkondlo engakabonwa (UMBUZO wesi-5): UKATELELEKILE ukuphendula umbuzo lo.

**UMBUZO 1: UMBUZO OMUDE**

Funda ikondlo engenzasi bese uphendula umbuzo olandelako.

**UYAZITSHAYELA – TN Mahamba**

- 1 Besisahlezi soke,
- 2 Sihlezi kumnandi nabo,
- 3 Sisagom' amabele,
- 4 Sithandwe kuphila nabo.
- 5 Lafika lobudlhayela,
- 6 Lafik' elinganasirhawu,
- 7 Lafik' elingakalindelwa,
- 8 Lafik' elingananembeza,
- 9 Lathatha ladlula.
- 10 Ngaphandle kokuzaza.
- 11 Nakungibo bayile,
- 12 Baginywe yihlabathi.
- 13 Bangakalidl' ilifa leenzukulwana zabo,
- 14 Batjhiya kok' abanakho.
- 15 Ngathana bekulayezela ngakwajanyiswa,
- 16 Kwajanyisw' amalangana,
- 17 Amalanga kube ziimveke,
- 18 Iimveke ziphenduk' umnyaka,
- 19 Umnyak' uphenduk' unomphela.
- 20 Kufa ngiyakwesaba,
- 21 Kufa ungumazitshayela.
- 22 Ukheth' omfunako,
- 23 Ngesikhath' osifunako,
- 24 Utjhiy' abahlolokazi,
- 25 Utjhiy' abafelwa.
- 26 Usitjhiya nesilil' esidabul' ihliziyo,
- 27 Usitjhiya nesikhala,
- 28 Isikhal' esingasoze savaleka.
- 29 Besisafun' ukuba mnengi nabo,
- 30 Usitjhiye nekumbulo.
- 31 Wehlule ukuphila kwakwethulela ingwani.
- 32 Alo, sizakwenzani?

- 33 Akekho ongajamelana nawe,
- 34 Uhlule neenyanga zesikhuwa nesintu,
- 35 Wahlula nabefundisi.
- 36 Kufa uyokufa nini?
- 37 Sihlale ngokuthula,
- 38 Siphil' unomphela.

Tshwaya ngommoya ozwakaliswa yimbongi ekondlweni le. Dzubhula bewuhlathulule amagama akhethwe yimbongi ukuzwakalisa tihatjhalazi lowo mmoya. Esingenisweni hlathulula bona yini ummoya wekondlo, ngonjani ummoya wekondlo le nokobana khuyini ikhethomagama. Emzimbeni hlathulula amagama azwakalisa ummoya lowo bese esiphethweni utshwaye ngokuphumelela kwembongi ekusethuleleni ummoya wekondlo le. Amagama ozowasebenzisa awabe li-190 kuya kwama-240.

**[10]**

## UMBUZO 2: UMBUZO ONEMIBUZO EMIFITJHANI

Funda ikondlo engenzasi bese uphendula imibuzo elandelako.

### AMAVUNDA – TN Mahamba

- 1 Mummoy' omumb' ehliziyweni.
- 2 Onawo ulilel' ukuzibuyiselela,
- 3 Onawo ugcwal' izondo ngaphakathi,
- 4 Ubanehliziyo kasathana.
- 5 Uyinyoni ephaphela phasi, engeze yaya phezulu,
- 6 Udiselwa yizondo esemahlombakho.
- 7 Yakh' ingqondo ayinakh' okuhle.
- 8 Zakh' izenz' akusizo zobuhle.
- 9 Ungumalum' apholise njengorodo wekhondlo.
- 10 Umunt' umenzis' iimphambeko,
- 11 Umakhis' amano alumelako.
- 12 Isitjhaba usiqeda utshetsha,
- 13 Laph' ukhona izutjana elimhlotjhana liyakuzila,
- 14 Laph' ukhona izinto ziyahlanakela.
- 15 Umthuwelelisi wendwa,
- 16 Umthuwelelisi wamanaba,
- 17 Uphehla ihliziyo yomuntu ifane netjhefu,
- 18 Uphehle iye lakuyako,
- 19 Uyilimise iye elitjeni.

- 2.1 Tlola izinto EZIMBILI ezenziwa mumuntu onamavunda ngokuya kwendima yoku-1 yekondlo engehla le. (2)
- 2.2 Tlola bona ukusetjenziwa kwekhoma emudeni wesi-5 kusibumbela buphi ubukondlo? (1)
- 2.3 Tlola umhlobo wesithombengqondo osetjenziwe emudeni wesi-6 wekondlo engehla le. (1)

- 2.4 Hlathulula ngephuzu ELILODWA okumumongo wendima yesi-3 yekondlo engehla le. (2)
- 2.5 Ucabanga bona ukusetjenziswa kwesithombengqondo sesenzasamuntu pheze kiyo yoke imida yekondlo engehla le kuwuthinta njani ummongondaba wayo? Ipendulwakho ayibe liphuzu ELILODWA. (2)
- 2.6 Coca ngesifundo esisithola ekondlweni engehla le. Ipendulwakho ayibe liphuzu ELILODWA. (2)
- [10]**

### UMBUZO 3: UMBUZO ONEMIBUZO EMIFITJHANI

Funda ikondlo engenzasi bese uphendula imibuzo elandelako.

#### SAHLULWA KUPHANDLULULANA – TN Mahamba

- 1 Mnganami!
- 2 Besingaphundwa lilitho,
- 3 Koke lapho bekunobumnandi besitholakala,
- 4 linkoloyi besaz' imihlobohlolo,
- 5 EPumalanga neTjonalanga sibuya khona,
- 6 Zamarhugu besizazi zoke.
- 7 Nakusikolo sasibona kumkhwekazi,
- 8 Sabalisa bavukela ngejinifomu,
- 9 Babhebhu! iincwadi banqophe kwaNolwazi,
- 10 Thina siziinini zamarhugu,
- 11 Sithi mzala eendakamizweni.
- 12 Emabhetjhini nemaphathini singatshwili,
- 13 Besaziwa mazombe,
- 14 Besidoselana ebumnyameni bobudlhadlha,
- 15 Nakukuvusana nokukhalimana do!
- 16 Bekulele kunye nangabe bekukubili bekuzakuvusana,
- 17 Nalitjhingako, kithi beliphuma,
- 18 Nabathi, kwaNolwazi silikhomba libaba,
- 19 Besiphandlwe yikungu,
- 20 Ithe ingembuk' emehlweni,
- 21 Isikhathi besele sidliwe yinja,
- 22 Ezandleni sidududu,
- 23 Ipil' isitjhiye emva,
- 24 Ihloko seyithelwe ngepuphu.
- 25 Sesilil' ezimathosi,
- 26 Sesilila ngongathana,
- 27 Isikhathi azange sibe nesirhawu kithi,
- 28 Sithe, azilime ziy' etjeni
- 29 Sihlulwe kuphandlululana mnganami.

- 3.1 Tlola ubukondlo OBUBILI obusetjenziswe yimbongi emudeni wesi-3 wekondlo engehla le. (2)

- 3.2 Tlola imihlobo yeenthombengqondo ezisetjenziswe yimbongi emudeni ngamunye kelandelako:
- 3.2.1 Zamarhugu besizazi zoke. (1)
- 3.2.2 Thina siziinini zamarhugu. (1)
- 3.3 Hlathulula umqondo omunyethwe mumuda othi; 'Isikhathi azange sibe nesirhawu kithi' osetjenziswe endimeni yokugcina yekondlo le. Ipendulwakho ayibe liphuzu ELILODWA. (2)
- 3.4 Ucabanga bona ngikuphi okungenziwa yimbongi nomnganayo engabasiza bona balinge ukuzakhela ipilo engcono nanyana sele bakhulile nje? Ipendulwakho ayibe maphuzu AMABILI. (2)
- 3.5 Tshwaya ngommoya ozwakaliswa yimbongi ekondlweni engehla le? Ipendulwakho ayibe liphuzu ELILODWA. (2)
- [10]**

#### UMBUZO 4: UMBUZO ONEMIBUZO EMIFITJHANI

Funda ikondlo engenzasi bese uphendula imibuzo elandelako.

##### LAYAPH' IPHASI LEKHETHU? – BJ Skhosana

- 1 Layaph' iphasi lekhethu?
- 2 Elalikghatjiswe ngehlobotjhani,
- 3 Litjho ngomsob' ononileko,
- 4 Kumaribhidlha ngapha nangapha,
- 5 Limbeth' ehlaz' ingubo.
- 6 Layaph' iphasi lekhethu?
- 7 Kwamgang' uhlul' abesegwabo,
- 8 Kwamngenis ' akadinwa liqude,
- 9 Kwavek' ayiphel' inganabukhazi,
- 10 Ngifung' abomma ngabonokhethwako.
- 11 Layaph' iphasi lekhethu?
- 12 Iphasi lamagosi?
- 13 Iphasi lomnombela?
- 14 Kwasirhunqe sihlul' abentwana,
- 15 Kwanyam' iphekwa ngomhluzi wenye.
- 16 Ngikhumbul' amancele,
- 17 Ngikhumbul' amaja,
- 18 Ngikhumbul' abesegwabo,
- 19 Ngikhumbul' amasokana,
- 20 Lakhamb' elihlamazana.
- 21 Layaph' iphasi lekhethu?
- 22 Ngikhumbul' abobamkhulu ngeentende,
- 23 Ngikhumbul' abobaba ngeenhlangu.
- 24 Zayaph' imporiyana zekhethu.
- 25 Nangu wami! Nangu wami!



- |    |                             |
|----|-----------------------------|
| 26 | Bamkhulu wakoPhangwabo!     |
| 27 | Bamkhulu wakoPhangwabo!     |
| 28 | Madl' iinkomo zakoKghobana! |
| 29 | Madl' iinkomo zakoKghobana! |
| 30 | Khona le!                   |

- 4.1 Tlola umhlobo OWODWA wesithelo ogade ubonakala umnengi ephasini lekhabo lembongi ngokuya ngendima yoku-1 yekondlo engehla le. (1)
- 4.2 Tlola umhlobo wesithombengqondo osetjenziswe emudeni wesi-5 wekondlo engehla le. (1)
- 4.3 Ngokurhunyezweko tlola okutjiwo yindima yesi-2 yekondlo engehla le. Ipendulwakho ayibe liphuzu ELILODWA. (2)
- 4.4 Ucabanga bona uyini umnqopho wembongi ngokubuyabuyelela amagama athi, 'Layaph' iphasi lekhetu?' emudeni woku-1 pheze eendimeni zoke zekondlo le? Ipendulwakho ayibe liphuzu ELILODWA. (2)
- 4.5 Hlathulula bona amagama athi, 'Nangu wami! Nangu wami!' asetjenziswe emudeni wama-25 wekondlo le asetjenziswa nakwenzakalani esitjhabeni samaNdebele? Ipendulwakho ayibe liphuzu ELILODWA. (2)
- 4.6 Coca ngommongondaba omunyethwe yikondlo engehla le. Ipendulwakho ayibe liphuzu ELILODWA. (2)
- [10]**

### KANYE

### IKONDLO ENGAKABONWA (UKATELELEKILE UKUPHENDULA UMBUZO LO)

### UMBUZO 5: UMBUZO ONEMIBUZO EMIFITJHANI

Funda ikondlo engenzasi bese uphendula imibuzo elandelako.

#### YAYAPH' IHLONIPHO? – BJ Skhosana

- |    |                                   |
|----|-----------------------------------|
| 1  | Akusekh' omdala,                  |
| 2  | Akusekh' omncani,                 |
| 3  | Omunye nomunye nguyenguye,        |
| 4  | Yayaph' ihlonipho?                |
| 5  | Babhema phambi kwabadala,         |
| 6  | Imbatho labo liyasabeka,          |
| 7  | Abasabani nemizimba,              |
| 8  | Okufihlwako bakubek' epepeneneni. |
| 9  | Yayaph' ihlonipho?                |
| 10 | Badakwa phambi kwabadala,         |
| 11 | Bamangana phambi kwabadala.       |
| 12 | Bengubo bazinikel' emaqhegwini,   |
| 13 | Akusekho okufihlwako,             |
| 14 | Yayaph' ihlonipho?                |

- |    |                                 |
|----|---------------------------------|
| 15 | Abentwana banabentwana,         |
| 16 | Abentwana banemikhukhu,         |
| 17 | Abentwana bazibethel' umthetho, |
| 18 | Yayaph' ihlonipho?              |

- 5.1 Tlola umhlobo wesithombengqondo osetjenziswe yimbongi emudeni woku-1 wekondlo engehla le. (1)
- 5.2 Tlola isenzo ESISODWA esenziwa lilutjha phambi kwabadala ngokuya kwendima yesi-2 yekondlo engehla le. (1)
- 5.3 Tlola umhlobo wevumelwano otholakala endimeni yesi-3 yekondlo engehla le. (1)
- 5.4 Rhunyeza okutjhiwo yikondlo engehla le ngephuzu ELILODWA. (1)
- 5.5 Ucabanga bona kubangelwa yini bona abantu imbongi ekhuluma ngabo ekondlweni le balahlekelwe yihlonipho? Ipendulwakho ayibe liphuzu ELILODWA. (2)
- 5.6 Hlathulula umqondo omunyethwe magama athi, 'Imbatho labo liyesabeka' asetjenziswe emudeni wesi-6 wekondlo engehla le. Ipendulwakho ayibe liphuzu ELILODWA. (2)
- 5.7 Coca ngokuphumelela kwembongi ukunikela ikondlo le isihloko esiyifaneleko. Ipendulwakho ayibe liphuzu ELILODWA. (2)

**[10]****IMITLOMELO YESIGABA A: 30**

**ISIGABA B: INOVELA/UBUKGHWARI BOMLOMO**

**YELELA:** Khetha umbuzo OWODWA ngaphasi kwalesisigaba. Nawukhethe umbuzo OMUDE enovelini/kubuthelelo lomtlole-ndabuko qinisekisa bona ukhetha umbuzo onemibuzo EMIFITJHANI emdlalweni.

**NOFANA**

Nawukhethe imibuzo enemibuzo EMIFITJHANI enovelini nanyana ebukghwarini bomlomo qinisekisa bona ukhetha umbuzo OMUDE emdlalweni. Kilesisigaba kuneencwadi EZINTATHU zamanovela: MBALA NGUBABA, UKHOLIWE NOBONAKELE. Khetha incwadi EYODWA uphendule ngayo umbuzo OWODWA.

**UMBUZO 6: UMBUZO OMUDE****MBALA NGUBABA – PB Skhosana**

Abatloli bamanovela basebenzisa izehlakalo ezihlukahlukene ukwakha imimongondaba ebayihlosileko ngamanovelabo. Coca ngezehlakalo ezisetjenziswe mtloli ukwakha ummongondaba wenovela yesihloko esithi; *MBALA NGUBABA*. Esingenisweni se-eseyakho hlathulula bona ziyini izehlakalo nommongondaba bewutjho nokobana inovela le imumethe ummongondaba othini. Emzimbeni coca wenabe ngezehlakalo ezibumba ummongondaba wenovela le. Esiphethweni tshwaya ngokuphumelela komtlole ukusebenzisa izehlakalo ezinembako ukusethulela ummongondaba wenovela le. Amagama ozawasebenzisa awabe ma-340–390.

**[25]****UMBUZO 7: UMBUZO ONEMIBUZO EMIFITJHANI****MBALA NGUBABA – PB Skhosana**

Funda itheksthi engenzasi bese uphendula imibuzo elandelako.

**ITHEKSTHI A**

'Usilethele ziphi emakhazenikazi angaka baba? linkomo zakwami nizitholile?' 'Wu ... nangabe bazitholile mma, bangabe basebenzile uyazi?' Kweleka uNaKabini atjengisa ukuthaba ehliziyweni. 'Liqiniso silukazi zitholakele ezinye. Kutholakele itjumi. Ezinye kusafuze ziyokuthathwa la zifihlwe khona. Nje ngize la ukuzokuthatha ngombana sezitholakele' kutjho uGotjiwe amehlo aciphiza iminyembezi ngentuthu yomlilo waphasi. Siwahle izandla isilukazi esinguNaMtshweni. Sikwakwazele. Sibonge ezinye iimbongo zakwaBongwe, bekukhambe nobuthongo kuFikile noSizakele. 5

'Ngatjho ngathi uBongwe angeze alale, amandlakhe adliwe mummango, abentwabakhe bakhona. Ngatjho NaKabini,' kutjho uNaMtshweni athabe kwamanikelela. 'Nathi siyathokoza sithabe kanye nawe mma. Ubaba walibopha labopheka ifindo asaphila. Nakhu nanamhlanje lapho abophe khona akukhumuki,' kutjho uGotjiwe. Asikime uNaMtshweni athome aye phasi naphezulu. Uzilungiselela ukuyokubona ifuyo yendodakwakhe njengobanyana uGotjiwe atjho bona uzomthatha. 10

'Baba ngibawa nomakotami lo sikhambwe naye. Ayongibonisa. Qala umntazanyana wakwami akakho njenganje. Usesikolweni', kubawa uNaMtshweni. 'Kulungile silukazi. Into nje yenenze msinyazana sikhambeni. Abakhulu bathe ngibuye msinya', kutjho 15

uGotjiwe. 'Awa sizase sithi msinyazana baba', kuvuma uNaMtshweni. Mbala kube njalo nakuNaKabini. Eqe naye aye ngakwakhe ayozisulasula. UGotjiwe aphume naye ngendlini azilamulele entuthwini, abuyele ekoloyini. Kube buyaluyalu ngendlini kuqotjhwe, kwembathwe ngconywana. Kube nguNaMtshweni oqeda qangi. UNaKabini 20 abanjezelwe bentwana. Nokho ariyariyade njalo abaqede.

'Makoti yowuqede uzabasihiye ubaba lo.' 'Sengiqedile mma.' Vele baphume bayokukhwela ekoloyini aboFikile banoSizakele. Ithi tli! Ikoloyi. Angayingeni leyo uGotjiwe. Ayithinte ivume. Ziye. UGotjiwe akakhulumi la endleleni. Uthulile ulalele lokho nalokho okukhulunywa ngunina kaMavela noNaKabini. 'Mntwanami besele 25 ngitjhwele ngithi ngingetjelwa iinkomo ngedwa? Abomakhelana bami boke zabo iinkomo zisaphelele. Uyazi godu benginande ngisola bona mhlambe zithathwa bezimu,' kukhuluma uNaMtshweni atjela umakotakhe.

[Ikhasi 127–128]

- 7.1 Tlola igama lendawo lapha kwakhe khona abantu bakwaBongwe. (1)
- 7.2 Tlola isizathu esenza bona iinkomo zakaBongwe zigcine zetjiwe. Ipendulwakho ayibe liphuzu ELILODWA. (2)
- 7.3 Tlola ubufakazi OBUBODWA obuvezwe etheksthini engehla le obusitjengisa bona umndeni wakaNaMtshweni umndeni ongasebenzisi isitofu segezi. (1)
- 7.4 Rhunyeza indlela uMavela azizwa ngayo lokha nakalemuka bona ilifa lakayise angekhe lidliwe ngendlela yena afisa ngayo. Ipendulwakho ayibe liphuzu ELILODWA. (2)
- 7.5 Hlathulula ummoya ozwakaliswa sisehlakalo salokha uGotjiwe nakatjela uNaMtshweni bona bathole ezinye zeenkomo zakwakhe. Ipendulwakho ayibe liphuzu ELILODWA. (2)
- 7.6 Tlola ngephuzu ELILODWA umbandela ekufanele aboDladla naboJohnson bawulandele ngokuya ngelifa lakaBongwe ukuqinisekisa bona uNaMtshweni akabulawa yindlala njengoba angasenandoda nje. (2)
- 7.7 Hlathulula umhlobo werarano owaba khona hlangana noNaMtshweni banoMavela lokha unina nakaqeda ukumtjela bona ilifa lakayise kufanele lidliwe njani. Ipendulwakho ayibe liphuzu ELILODWA. (2)
- 7.8 Ucabanga bona ihlalo yomndeni wakwaBongwe beyizakuba njani nangathana uMavela wavumelana nendlela uyise aba ngayo ilifa kunokobana aphikisane nayo njengoba kuveziwe enovelini? Ipendulwakho ayibe liphuzu ELILODWA. (2)
- 7.9 Ucabanga bona isenzo sakaMavela sokufika ema-ofisini waboDladla abatjele amanga ngegama lakhe athi yena nguGijimani Ntuli simveza amumuntu onjani ngehangothini lokuziphatha? Ipendulwakho ayibe liphuzu ELILODWA. (2)

- 7.10 Khetha ipendulo enembako kezilandelako bese uqedelela umutjho ongenzasi ngayo.  
Umsebenzi owenziwa nguMhleleka wokubamtlhogomeli wemvelo usekelwa mNyangongo ...  
A WezokuThutha.  
B WezeKolo.  
C WezokuLima.  
D WezeBhoduluko. (2)
- 7.11 Ucabanga bona bebuzakuba njani ubudlelwano bakaMavela banoyise uBongwe nangathana uMavela walemuka ngesifiso sakayise lokha nakasaphilako? Ipendulwakho ayibe liphuzu ELILODWA. (2)
- 7.12 Ingabe ingemuva lomlingisi onguMavela liyakhambelana nezenzo zakhe esivezelwe zona enovelini yesihloko esithi; 'Mbala Ngubaba?' Sekela ipendulwakho ngephuzu ELILODWA. (2)
- 7.13 Ngokubona kwakho ingabe uBongwe uvezwe ambelethi onetjhejo nofana onganatjhejo emntwanenakhe uMavela na? Sekela ipendulwakho ngephuzu ELILODWA. (2)
- 7.14 Coca ngommoya ozwakaliswa ngilokhu okwenzeka esingenisweni senovela le. Ipendulwakho ayibe liphuzu ELILODWA. (1)
- [25]**

**UMBUZO 8: UMBUZO OMUDE****UKHOLIWE – N Skosana**

Abatloli bamanovela basebenzisa izehlakalo ezihlukahlukeneko ukwakha imimongondaba ebayihlosileko ngamanovelabo. Coca ngezehlakalo ezisetjenziswe mtloli ukwakha ummongondaba wenovela yesihloko esithi; *UKHOLIWE*. Esingenisweni se-eseyakho hlathulula bona ziyini izehlakalo nommongondaba bewutjho nokobana inovela le imumethe ummongondaba othini. Emzimbeni coca wenabe ngezehlakalo ezibumba ummongondaba wenovela le. Esiphethweni tshwaya ngokuphumelela komtloleli ukusebenzisa izehlakalo ezinembako ukusethulela ummongondaba wenovela le. Amagama ozawasebenzisa awabe ma-340–390.

**[25]****UMBUZO 9: UMBUZO ONEMIBUZO EMIFITJHANI****UKHOLIWE – N Skosana**

Funda itheksthi engenzasi bese uphendula imibuzo elandelako.

**ITHEKSTHI B**

Umma ogade azokuhlala naye kwakhe gade aziwa ngokuthi ngumma uNancy. Woke umuntu omkhulu nomncani gade ambiza ngalo lakamma uNancy. Umma uNancy lo gade anganandoda, begade azihlalela yedwa ngombana nabentwana bakhe bobathathu besele bendile. UKholiwe wamjayela msinyana umma uNancy qala ngombana bobabili babantu abakhulumako begodu abanazo iinhloni. Bekuthi njalo ngaboSondo baye esondweni, wayesele ajaye. Lalikhulu isondo leli, linabantu abanengi. Inengi labatjha latjengisa ukumthanda uKholiwe, bekungatjho bona kodwana bekutjho izenzo. Ngesondweni bekade kunekwayere. Bebabanengi abatjha ebegade bavuma kiyo ikhwayere le. Beyithi lokha nayivumako ikhwayere le, uzwe iinhluthu sele zifuna ukusiphuka.

5

10

Lokha umuntu amumuntu omutjha endaweni ubonaala msinyana kubhala nanyana umuntu wakhona angazama ukukhamba njengabantu balapho, azame ukukhuluma ngendlela abantu balapho bakhuluma ngakhona kodwana kubonakala ngitjho nakwelidala iqhegu namkha isilukazi. Uzakwizwa sele basithi; 'Umma ekhaya kukuphi?' Nawumsana uzwe basithi; 'Ubaba ekhaya kukuphi?' Kwaba njalo nakuKholiwe. Ngelinye ilanga asele aneveke afikile ae ngevikilini ayokufuna uburotho. Athi nakangenako amehlo woke athi mbo kuye, aqale phasi abe afike kumthengisi amlotjhise ngokukhulu ukuzithoba nakaqedako athi; 'Bengibawa i-loaf brown'. Kunokobana isokana leli limnikele uburotho lezwakala lisithi; 'Namtjhana kungathi wani wena dade awusuye wala eWatville, uhlala kuphi la?' UKholiwe wamtlolela i-adresi yalapho ahlala khona, amnikele uburotho bakhe, aphume uKholiwe.

15

20

Obegade alandela uKholiwe wagcina sele abetha itafula ngemali. Phela umthengisi loya amehlo nengqondo bekusele kuKholiwe. Kazi ihliziyo ayiphakelwa. Nokho ukubethwa kwetafula kwamphaphamisa uDavi kodwana kusukela lapho wabonakala bona akasenakho ukuthula. Wayekhe akhohlwe nokuthi umthengi uthenge ini, kuthi umuntu weKosi athenge itiye atjho eze nesibha. Wenze iimphoso kwaze kwaba kanengi uDavi, uyise bewathi; 'Davi, khamba uyokulala lisa ukuthengisa ngombana ngiyabona bona ufanele ukuphumula'. UDavi akhange asona isikhathi watjho amonyozela ayokuphuma ngomnyango alunga ngendlini ekulu, wafika wathola unina apheka wamtjela bona uyokulala ngombana akazizwa kuhle. Wafika ngekamurini wakhwela phezu kombede waqala phezulu.

25

30

[Ikhasi 94–95]

- 9.1 Tlola isizathu esenza uKholiwe afdukele endaweni yangeDaveyton. (2)
- 9.2 Tlola ibizo lesokana ebegade lithengisa esitolo lapho uKholiwe athenga kiso uburotho ngokuya kwetheksthini engehla. (1)
- 9.3 Hlathulula isizathu esenza uKholiwe agcine sele ahlukeno noDavi naphezu kobana ingekho into embi uDavi amenza yona. (2)
- 9.4 Tlola isehlakalo esilama isenzo sokuzidumuza kwakaZondani ngesigidi aseba kwaGatjeni. (1)
- 9.5 Tlola amatshwayo AMABILI akhombisa bona inovela le yenzeka esikhathini sanje. (2)
- 9.6 Tlola isehlakalo ESISODWA esenzeke enovelini le esimayelana noZondani esizwakala singakholeweki begodu singeze senzeka nepilweni yamambala. (2)
- 9.7 Hlathulula bona umtlozi usivezele uSipho amhlobo bani womlingisi enovelini le. Ipendulwakho ayibe liphuzu ELILODWA. (2)
- 9.8 Ucabanga bona ngisiphi isizathu esenze uKholiwe bona abhalelwe kutjela uMuzi ngalokhu okwamvelelako okumayelana nokuzibulala kwakaZondani? Ipendulwakho ayibe liphuzu ELILODWA. (2)
- 9.9 Ucabanga bona umtlozi ulinga ukusidlulisela umlayezo othini ngokusivezela uKholiwe anakho koke okufiswa mumuntu wengubo epilweni okunjengomndeni, umsebenzi omuhle bese athathe isiquanto sokuzibulala ngebanga lalokho okwamenzakalelako asakhula. (2)
- 9.10 Ucabanga bona isenzo sakaKholiwe sokuzibulala sizakuba namuphi umthelela eempilweni zabentwabakhe? Ipendulwakho ayibe liphuzu ELILODWA. (2)
- 9.11 Ingabe ngisiphi isehlakalo esisetjenziswe njengombangi yomlingisi oyikutani enovelini le? Sekela ipendulwakho ngephuzu ELILODWA. (2)
- 9.12 Ingabe umukghwa wabantu beDaveyton wokubiza umuntu omkhulu njengomma uNancy ngegama lakhe njengombana sivezelwe etheksthini engehla kusitjelani ngesizinda sendawo le? Ipendulwakho ayibe liphuzu ELILODWA. (1)
- 9.13 Ingabe umtlozi uphumelele nofana akakaphumeleli ukuthiya umlingisi oyikutani wenovela le igama elikhambelana nezenzo kanye nesimilo sakhe? Sekela ipendulwakho ngephuzu ELILODWA. (2)
- 9.14 Coca ngommoya ozwakaliswa yindlela uMabhena apha ngayo uKholiwe ngemva kokuzwakala bona uZondani uzibulele ngebanga lakaKholiwe. Ipendulwakho ayibe liphuzu ELILODWA. (2)

[25]

**UMBUZO 10: UMBUZO OMUDE****UBONAKELE – M Skosana**

Abatloli bamanovela basebenzisa izehlakalo ezihlukahlukene ukwakha imimongondaba ebayihlosileko ngamanovelabo. Coca ngezehlakalo ezisetjenziswe mtloli ukwakha ummongondaba wenovela yesihloko esithi; *UBONAKELE*. Esingenisweni se-eseyakho hlathulula bona ziyini izehlakalo nommongondaba bewutjho nokobana inovela le imumethe ummongondaba othini. Emzimbeni coca wenabe ngezehlakalo ezibumba ummongondaba wenovela le. Esiphethweni tshwaya ngokuphumelela komtloli ukusebenzisa izehlakalo ezinembako ukusethulela ummongondaba wenovela le. Amagama ozawasebenzisa awabe ma-340–390.

**[25]****UMBUZO 11: UMBUZO ONEMIBUZO EMIFITJHANI****UBONAKELE – M Skosana**

Funda itheksthi engenzasi bese uphendula imibuzo elandelako.

**ITHEKSTHI C**

UKiller azange asona isikhathi, wasuka khonokho watjinga lapha kuhlala khona uBonakele. Bekambethe izambatho zakhe zokugijima. UBonakele wazibonela bonyana uKiller uze ngokuzomthswenya njengalaba egade bamtlhorisa ngesitetjhini. Wambona aseza kude. 'Angiphume ngijame ngaphandle, nangu lo abathi nguKiller asiza nganeno'. Waphuma wajama ngaphandle kwekoloji uBonakele, walindela bona uKiller afike. Wabe selafikile uKiller, ikutani yeendubulo, 'Ngizwile ngawe sokana kodwana lapha kimi angekhe walunga!' Watjho wabandamela kuBonakele.

5

'Yewujame khonapho. Ungalingi ubandamele lapha kimi. Angifuni ukugogonda umuntu khona nje mina. Ngisadinwe ngilabesana ebegade bangitlhorisa ngesitetjhini. Ngiyikhuphile le kanyana abanayo. Njeke nawe nangabe awuqalalisi kuhle lapha ugadanga khona, mina ngizokukhombisa indlela ekufanele ukhambe kiyo.'

'Madekhethu! Heyi wena sokana. Ukhuluma nobani ngendlela okhuluma ngayo le? Sengiyazibonela bona nami kwanjesi bona baqinisile nabathi uyadelela. NginguKiller wesitjhaba salapha. Ungangitjelani wena ngombana waziwa ngokuthengisa amahabhula? He ... he ... he ...' Ahleke khulu uKiller. UKiller lo akusikho bonyana uhloye uBonakele ngendlela akhuluma ngayo le kodwana indaba kukobana ulinga ukwakha ubuhlobo naye.

10

15

'Abondabazabantu nabathi mina ngiyadelela, alo-ke wena uthini ngalokho?' Kwabuza uBonakele ngommoya ophasi kodwana akhombisa bonyana akayithandi into eyenziwa nguKiller le kuye. 'Mina ngithi bandamela sibambane khona sizakubona bonyana ngubani ikutani lapha eDaveyton,' kwatjho uKiller, abandamela kuBonakele. 'Lisa indaba yokobana ulokhu umnengi ngomlomo ngasuthi umfazi nje.' Watjho wayibeka hlangana nepumulo namehlo ifeyisi. UBonakele wabona iinkwekwezi, wapeze wawela phasi kodwana wabambelela ngekoloji. Akhange awe. 'Ungibethelani wena Killer? Ngikwenzeni?' 'Usabuza!' Wambuyelela godu ngesandla sokugoma. 'Akhange ngikutjele bonyana ngifuna ini ... he ...?' Wambuyelela walandelisa nangokumrarha khulu, 'ngifuna ukubona bonyana ngubani umakhonya lapha!'

20

25

[Ikhasi 28–29]



- 11.1 Tlola umhlobo womdlalo uKiller aziwa ngawo eDaveyton. (1)
- 11.2 Tlola amagama wabesana abafikisa uBonakele lokha nakafika eDaveyton. (2)
- 11.3 Tlola isizathu esenza bona unina kaBonakele agcine aziphe inarha. (1)
- 11.4 Rhunyeza indlela uNaSilombo azizwa ngayo lokha nakalemuka bona uBonakele uziphe inarha. Ipendulwakho ayibe liphuzu ELILODWA. (2)
- 11.5 Hlathulula indlela uBonakele amukelwa ngayo lokha nakafika kwaMbuyiseli. Ipendulwakho ayibe liphuzu ELILODWA. (2)
- 11.6 Tlola isenzo esenziwa nguBonakele lokha nakakhamba nomtjhayeli owamdobha ajame endleleni esifakazela bona umntwana ohlakaniphileko. (2)
- 11.7 Madanisa ikolo kaNaMndebele neyakamnakwabo lakaMahlangu uSgwadi ngokuya ngenovela le. (2)
- 11.8 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.
- Ingemuva lomlingisi onguNaSilombo lingunobangela walokho angikho namhlanje ngokuya kwenovela yesihloko esithi; *uBonakele*. (2)
- 11.9 Ucabanga bona umtjhayeli wekoloji uBonakele ayikhwelako mhlana asuka kwabo eSiyabuswa ube namuphi umthelela epilweni kaBonakele? Ipendulwakho ayibe liphuzu ELILODWA. (2)
- 11.10 Ingabe ngimuphi umlingisi osetjenziswe njengehlanganisa enovelini le? Sekela ipendulwakho ngephuzu ELILODWA. (2)
- 11.11 Ucabanga bona isenzo somkhozi kaNaMndebele uNompoti Mthimunya sokuziphilela njengentombi, ambatha ngendlela yesimanjemanje, abizwe ngegama begodu aziselela notjwala angumma sisitjelani ngesikopilo leJwanasbhege? Ipendulwakho ayibe liphuzu ELILODWA. (2)
- 11.12 Coca ngesifundo osifumana ngesiqunto esathathwa nguBonakele sokukhamba emzini wekhuwa lapho ebegade asebenza khona kamnandi afumana yoke into ayithogako wakhetha ukuyokufuna unina. Ipendulwakho ayibe liphuzu ELILODWA. (1)
- 11.13 Tshwaya ngommoya ozwakaliswa sitlhorini senovela le. Ipendulwakho ayibe liphuzu ELILODWA. (2)
- 11.14 Ingabe uyazwelana nofana awuzwelani noNaSilombo ngokubhujelwa mntwanakhe uBafunani owazibulala ngokuzitjhayisisa ngekoloji endleleni? Sekela isiqunto osithathako ngephuzu ELILODWA. (2)

**[25]**

## UBUKGHWARI BOMLOMO

### IBUTHELELO LOMTLOLO-NDABUKO – E Mampokoro

#### UMBUZO 12: UMBUZO OMUDE

#### 'IBHOLO LOMLILO NEEMBONGO ZAKARHOLIHLAHLA NELSON MANDELA'

Abatlami bobukghwari bomlomo obufana neenolwana kanye neembongo batlama ubukghwarobu ngehloso yokudlulisela abafundi iimfundo nelemuko mayelana nepilo. Coca wenabe ngeemfundo ezisinikela ilemuko mayelana nepilo ozifumana ezehlakalweni zenolwana yesihloko esithi; 'IBHOLO LOMLILO NEEMBONGWENI ZAKARHOLIHLAHLA NELSON MANDELA'. Esingenisweni se-eseyakho hlathulula bona ziyini iimfundo nezehlakalo. Emzimbeni hlathulula bona ngiziphi iimfundo esizithola ezehlakalweni zenolwana neembongo ezingehlezi. Esiphethweni tshwaya ngokuphumelela komtlole ekusethuleleni iimfundo azihlosileko ngokusebenzisa izehlakalo ezimunyethwe yinolwana neembongo ezingehla. Amagama ozowasebenzisa awabe ma-340–390.

[25]

#### UMBUZO 13: UMBUZO ONEMIBUZO EMIFITJHANI

##### 13.1 'ILITJE LEMILINGO' – CM Sangweni

Funda itheksthi engenzasi bese uphendula imibuzo elandelako.

##### ITHEKSTHI D

Emandulo kwakukhona iphasi elinothileko. Iphaseli lalinothe kwamambala kangangokuthi wawungatjala nanyana yini imile. Ephasineli umraro kwakubabantu bakhona. Abantwaba khabe bamavila, bebavilapha khulu. Into eyayenza abantwaba bavilaphe kukuthi, kwakukhona ilitje elikhulu ebebabawa kilo ukudla. 5

Ilitjeli lalilikhulu, umuntu nakabawako lalivuleka umgodi omkhulu nomuntu angene ngaphakathi abawe ukudla akufunako. Ilitje limnikele athathe ukudla kwakhe akhambe athabile. Ngamalanga abantu bebajama umjeje, ngamunye ngamunye atjele ilitje, 'litje vuleka ngilambile' mbala ilitje livuleke. Umuntu abawe ukudla akuthandako, ilitje limnikele khona. Kusebusika namkha kusehlobo, ngamalanga abantu bajama umjeje bazokubawa ukudla. Ilitje labanesineke. Labanikela ukudla abakufunako, njengombana abantwaba abasebenzi basebenza ukudla banda msinya, bababanengi msinya. Ilitje lathoma labanobudisi bokupha abantu abanengi khulu ukudla. Labuza ilitje lathi 'abantwaba sebananengi khulu, angisakghoni ukubondla, ngenzeni ukobana abantwaba bangabulawa yindlala?' Lahleka kamnandi ilitje nasele lifumene ipengu. Njengemhleni bafika abantu, umjeje wabamude khulu. Ilitje labanikela ukudla okunengi khulu okudlula kweemhleni. Bathaba khulu abantu benza iminyanya, abanye benza amaphathi. 10

Ukudla okunengi konakala ngombana akhange bakubeke kuhle, angitjho bakuthola simahla? Ilitje larareka nalibona abantu bajame umjeje lathi 'abantwaba ngibanikele ukudla kwamalanga alikhomba, alo bazokufunani? Njengayizolo namhlokha abantu batjho into yinye 'litje vuleka ngilambile' mbala ilitje lavuleka lakhupha yoke imihlobo yembewu yokudla. Basilingeka abantu ngombana abafuni imbewu bafuna ukudla, bafuna ukuphiwa ingasi ukusebenza bazenzela ukudla. Bathatha imbewu bayilahlela le. 'Asiligedeni ilitjeli siyolilahla, alinamsebenzi walitho alifuni ukwenza into esithi liyenze'. 20 25

[Ikhasi 65–66]

- 13.1.1 Hlathulula bona iphasi elikhulunyiswa enolwaneni le kuthiwa kwakuliphasi elinjani? (1)
- 13.1.2 Hlathulula bona ilitje lomlingo elikhulunyiswa enolwaneni le lalilikhulu kangangani? Ipendulwakho ayibe liphuzu ELILODWA. (1)
- 13.1.3 Dzubhula amagama ebegade atjihiwo babantu aqaliswe elitjeni elikhulunyiswa enolwaneni ngaphambi kobana bafumane ukudla. (1)
- 13.1.4 Ngokurhunyezweko tlola unobangela owenza bona ilitje libe nobudisi bokupha abantu ukudla. (2)
- 13.1.5 Tlola isizathu esenza bona ukudla okunengi okwaphiwa abantu ekukhulunywa ngabo enolwaneni engehla kugcine sekonakele. (1)
- 13.1.6 Ucabanga bona ngisiphi isehlakalo esibumba isisusa serarano enolwaneni engehla le? Ipendulwakho ayibe liphuzu ELILODWA. (2)
- 13.1.7 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.  
  
Isenzo sokuphikisana kwabantu lokha nabakhuluma ngendaba yokobana bagede ilitje bayolilahla siyakhambelana nesaga esithi 'Inengi liyabona ubende'. (2)
- 13.1.8 Ucabanga bona yini umnqopho womtlole ngokusitlolela inolwana le? Ipendulwakho ayibe liphuzu ELILODWA. (2)
- 13.1.9 Ingabe uyazwelana nofana awuzwelani nelitje eligcina selilahla ngebanga lokutjhugulula indlela elenza ngayo izinto ebantwini ebakhulunyiswa enolwaneni engehla le? Sekela isiqunto osithathako ngephuzu ELILODWA. (1)
- 13.1.10 Coca ngesifundo esisifumana ngabalingisi abaziimfene sokuthatha imbewu elahlwe babantu zilime, ziyitjale bekumile ukudla njengoba sivezelwa enolwaneni engehla le. Ipendulwakho ayibe liphuzu ELILODWA. (2)

**KANYE**

13.2 Funda iimbongo ezingenzasi bese uphendula imibuzo elandelako.

**ITHEKSTHI E**

**KWAMHLANGA – D Mabhena**

- 1 Bayede! Bayede!
- 2 Bayede mtjhade KwaMhlanga!
- 3 Bayede mtjhade waKwaNdebele!
- 4 Uyingwenyam' eengwenyameni,
- 5 Bayede! Bayede KwaMhlanga!
- 6 Ukugeja kwaziwa nguwe,
- 7 Ugeje ngeentaba,
- 8 Wageja ngezikhwa,
- 9 Wabhodwabhodwa milanjana
- 10 Yamanz' angagubulukiko.
- 11 Bayede KwaMhlanga!
- 12 Ebusuku ugeja ngeenkwekwezi,
- 13 Usal' ufana neLandani
- 14 Isidzwili samaNgisi.
- 15 lingwegwe zakho zisithele.
- 16 Ulibandla lamadoda,
- 17 Usibethamthetho,
- 18 Waduma siyaqhaqhazela,
- 19 Siphathwe makhaza kusehlobo
- 20 Ilanga likhuph' inyok' emgodini.
- 21 Wen' awuzum' uyazunyelwa,
- 22 Wen' awugubh' uyagujelwa,
- 23 Usidzwili selawulo KwaNdebele
- 24 Ngitjho nobutjhotjhwani bulawulwa nguwe,
- 25 Ubhalelwa kukufa kwaphela.
- 26 Khula kosi!
- 27 Nzinza kosi!
- 28 Busa Ngwenyama!
- 29 Bayede mtjhade!
- 30 Bayede KwaMhlanga!

- 13.2.1 Tlola umhlobo wesilwana indawo yaKwaMhlanga engathekiswe naso endimeni yoku-1 esibongweni esingehla. (1)
- 13.2.2 Tlola OKUBILI okuthiwa indawo yaKwaMhlanga igeje ngakho. (2)
- 13.2.3 Tlola umhlobo wesithombengqondo osetjenziswe emudeni we-13 wesibongo esingehla. (1)
- 13.2.4 Hlathulula umqondo omunyethwe yindima yesi-3 yesibongo esingehla. Ipendulwakho ayibe liphuzu ELILODWA. (2)

- 13.2.5 Ucabanga bona amagama asetjenziswe emudeni wama-23  
ahlathulula ini ngendawo yaKwaMhlanga? Ipendulwakho ayibe  
liphuzu ELILODWA. (2)
- 13.2.6 Coca ngommoya ozwakaliswa sibongo esingehlesi. Ipendulwakho  
ayibe liphuzu ELILODWA. (2)  
[25]

**IMITLOMELO YESIGABA B: 25**

**ISIGABA C: UMDLALO/IDRAMA**

**YELELA:** Khetha umbuzo OWODWA ngaphasi kwalesisigaba. Nawukhethe umbuzo OMUDE enovelini nanyana ebukghwarini bomlomo qinisekisa bona ukhetha umbuzo onemibuzo EMIFITJHANI emdlalweni.

**NOFANA**

Nawukhethe umbuzo onemibuzo EMIFITJHANI enovelini nanyana ebukghwarini bomlomo qinisekisa bona ukhetha umbuzo OMUDE emdlalweni. Kilesisigaba kuneencwadi EZINTATHU zomdlalo: IBHUDANGO LAMI, UMBANGO KANZUNZA NOMANALA NEFINDO. Khetha incwadi EYODWA uphendule ngayo umbuzo OWODWA.

**UMBUZO 14: UMBUZO OMUDE****IBHUDANGO LAMI – TG Mnguni**

Abatloli bemidlalo basethulela abadlali babo banezenzo esithi nasiziqalasisako sikghone ukufunda litho likhulu ngazo epilweni yamambala. Akhe utshwaye ngelihlo elibukhali iimfundo ozifumana ngezenzo zabadlali abalandelako bomdlalo wesihloko esithi; *IBHUDANGO LAMI*, uMbulawa, uTjhili, uVenter namapholisa wombuso webandlululo. Esingenisweni se-eseyakho hlathulula bona yini izenzo zabadlali neemfundo. Emzimbeni coca ngeemfundo ozifumana ngezenzo zabadlali ababalwe ngehla. Esiphethweni tshwaya ngokuphumelela komtlozi ekusethuleleni iimfundo ezahlukahlukeneko ngezenzo zabadlali ababalwe ngehlaba. Amagamakho awabe ma-340–390.

**[25]****UMBUZO 15: UMBUZO ONEMIBUZO EMIFITJHANI****IBHUDANGO LAMI – TG Mnguni**

Funda itheksthi engenzasi bese uphendula imibuzo elandelako.

**ITHEKSTHI F**

*(KwaTjhili ntambama kuditiye uTjhili noMbonani bayabonisana.)*

MBONANI:	Kunendaba engithanda bona sibonisane ngayo Tjhili. Phela isikhethu sithi amehlo amabili aphala elilodwa.	
TJHILI:	Yewize nendaba mina ngikulalele.	
MBONANI:	Phela ilitjha belirhagele izolo.	5
TJHILI:	<i>(Ngokurareka.)</i> Belirhagele ngani Mbonani?	
MBONANI:	Libize umhlangano izolo ngedina.	
TJHILI:	Lilila ngani?	
MBONANI:	Lithe lifuna ukwazi bona thina njengabadala sithini ngokuqothwa komndeni wakwaMasuku.	10

*(Kusenjalo kukokode umuntu emnyango.)*

TJHILI:	Ngena!	
NANTULI:	( <i>Avule angene.</i> ) Lotjha Mbonani. ( <i>Uphethe irhabha letlabalala.</i> )	
MBONANI:	Lotjha mma NaNtuli!	
NANTULI:	( <i>Ubeka irhabha phambi kwabo.</i> ) Nginilethele irhajana nanti bobaba.	15
TJHILI:	( <i>Wesula umlomo.</i> ) Siyathokoza kosikazi. Ngibawa bona uhlale phasi uphumule, kade khulu uyemayema. ( <i>Uphakamisa irhabha.</i> )	
NANTULI:	( <i>Uhlala phasi.</i> ) Ngifanele ukuyemayema baba. Phela umsebenzi wekhayapha awupheli.	
MBONANI:	Awa lapho khona uyibambe ngesibhukwini mntakwaNtuli.	20
TJHILI:	( <i>Wedlulisela irhabha kuMbonani.</i> ) Bewusangihlathululela ngomhlangano welutjha Mbonani. Ngibawa bona uragele phambili.	
MBONANI:	( <i>Urhamura itlabalala.</i> ) Bengisakuhlathululela ngomhlangano wethu nelutjha.	
TJHILI:	Lilila ngani ilutjha?	25
MBONANI:	Lilila ngokuqothwa komndeni kaMasuku. Lithi kungaba njani nange singanghala umsebenzi, khona uMathumbu azakutjhugulula umkhumbulo wakhe ngegadango asele alithathele umfelokazi kaMasuku.	
NANTULI:	Nami angikhambisani negadango lokuqothwa komndeni kaMasuku. ( <i>Uphakamisa irhabha.</i> ) Alo-ke niswaphelise ngokuthini nelutjha?	30
TJHILI:	Khange sifumane ipendulo ndodekhethu. Ilutjha liyigandelele khulu indaba yokobana kunghalwe umsebenzi.	
MBONANI:	( <i>Kukokode umuntu emnyango.</i> )	
TJHILI:	Ngena!	35
MBULAWA:	( <i>Avule angene.</i> ) Lotjhani ngekhaya!	
BOKE:	Lotjha ndodana.	
TJHILI:	Wenzile wafika ndodana.	
MBULAWA:	( <i>Ngokurareka.</i> ) Kunento ofuna ngikwenzela yona baba?	
TJHILI:	( <i>Ngommoya opholileko.</i> ) Ungena nje siphezu kwendaba yokuqothwa komndeni kaMasuku. Nangomhlangano ebeninawo nabantu abadala izolo eplasini.	40
MBULAWA:	Ungaragela phambili baba ngilalele.	

[Ikhasi 21–23]

- 15.1 Ngokuya kwetheksthi engehla le tlola lokho egade ilutjha lilila ngakho. (1)
- 15.2 Tlola bona uVenter bekaneminyaka emingaki lokha umndeni wakwaTjhili nawufika eplasini. (1)
- 15.3 Rhunyeza ngephuzu ELILODWA indlela ilutjha neensebenzi zabantu abadala zepasini ebezizizwa ngayo ngesenzo sakaVenter sokufuna ukuqotha umndeni wakwaMasuku. (2)
- 15.4 Tlola indima egade idlalwa nguMbonani eplasini lakaVenter ngokuya ngomdlalo lo. (2)
- 15.5 Tlola izinto EZIMBILI ofanele uzenzele zona lokha nawuhlala esikomplasi ngokuya komdlalo lo. (2)

- 15.6 Tlola isehlakalo esehlela uMbulawa ngemva kobana amapholisa athole bona umlandeli wehlangano yezombanganarha esele yavalwa umlomo ngokuya komdlalo lo. (2)
- 15.7 Ucabanga bona ngisiphi isehlakalo esingathathwa njengesisusa serarano somdlalo lo? Ipendulwakho ayibe liphuzu ELILODWA. (2)
- 15.8 Phendula isitatimende esingenzasi ngoLIQINISO nofana AKUSILO IQINISO bese usekela isiqu nto osithathako ngephuzu ELILODWA.
- Izenzo zakaMbulawa zokulwela amalungelo wabantu abatjha emdlaweni lo zifana patsi nezenzo zakaMongameli wangaphambilini weSewula Afrika u-FW De Klerk. (2)
- 15.9 Ucabanga bona umtlozi usebenzise liphi iqhinga lokuvezwa kwabadlali ukusivezela umdlali onguVenter bona umumuntu onjani? Sekela ipendulwakho ngephuzu ELILODWA. (2)
- 15.10 Ucabanga bona isenzo sokwamukelwa kwesibawo somsebenzi sakaNaidoo banoMbulawa ebasifaka eSewula Afrika lokha nabasekampeni yabaphalali ese-Angola sisitjelani ngesizinda sesikhathi ebesele baphila ngaphasi kwaso? Sekela ipendulwakho ngephuzu ELILODWA. (2)
- 15.11 Ucabanga bona isenzo sakaMabona sokufuna ukuthokoza umsebenzi ngebanga lebandlululo elikhona esipholiseni asebenza kiso simveza amumuntu onjani? Sekela ipendulwakho ngephuzu ELILODWA. (2)
- 15.12 Coca ngommoya ozwakaliswa ngokwenzeka esiphethweni somdlalo lo. Ipendulwakho ayibe liphuzu ELILODWA. (2)
- 15.13 Tshwaya ngokuphumelela komtlozi ekusethuleleni isethulo somdlalo lo. Ipendulwakho ayibe maphuzu AMATHATHU. (3)
- [25]**



**UMBUZO 16: UMBUZO OMUDE****UMBANGO KANZUNZA NOMANALA – SM Mnguni**

Abatloli bemidlalo basethulela abadlali babo banezenzo esithi nasiziqalasisako sikghone ukufunda litho likhulu ngazo epilweni yamambala. Akhe utshwaye ngelihlo elibukhali iimfundo ozifumana ngezenzo zabadlali abalandelako bomdlalo wesihloko esithi; *UMBANGO KANZUNZA NOMANALA*, uNzunza, uManala, uNanasi nekosi uMusi. Esingenisweni se-eseyakho hlathulula bona yini izenzo zabadlali neemfundo. Emzimbeni coca ngeemfundo ozifumana ngezenzo zabadlali ababalwe ngehla. Esiphethweni tshwaya ngokuphumelela komtlozi ekusethuleleni iimfundo ezahlukahlukeneko ngezenzo zabadlali ababalwe ngehlab. Amagamakho awabe ma-340–390.

**[25]****UMBUZO 17: UMBUZO ONEMIBUZO EMIFITJHANI****UMBANGO KANZUNZA NOMANALA – SM Mnguni**

Funda itheksthi engenzasi bese uphendula imibuzo elandelako.

**ITHEKSTHI G**

*(Amabutho kaNzunza asaba ukuhlangana naManala. Adeda bekafika koQoli lapho bacolelana khona.)*

NZUNZA:	Sitjhaba samaNdebele kulithabo elingangani nasele sihlangene soke lapha. Namhlanje sakha ubuhlobo nesitjhaba sekhetu okungesomfowethu uManala. Siqinisa ubuhlobo ngokuthi sithathe uMthise kaTjhangutjhangu abe yiNdlovukazi kaNcagu kaMbuduma.	5
ISITJHABA:	Bayede! Bayede! Ndabezitha! ( <i>Imbongi isikime ibonge uNzunza.</i> )	
IMBONGI:	Hlungwana yiNdlovu, Yabetha uthango ngenzasi Ezinye iindlovu zilibetha ngehla.	10
	Sikhwende Hlungwana sakoNdlovu. Sathatha mlilo, Sathatha maseko. Sasuke sabamba uMbo sawugoduza Sabe sabamba nokaNanasi.	15
	Sutjana masu mane, Lobunonye ngelomkhombo,  Mathandathu ngewenyathi. Mlindi omduna, Muzungayezi Kulapho kusabela izilo zoke, Kusabel' abongwe nabongolonyama,	20

	Kusabel' abomamba nabohlathu. UNzunza lithole lakwabo Ngwenyama Elalidabul' intambo amanye wakwabo Asakhulekiwe.	25
	Isihlangu esadabul' idaka Siwel' izibuko lakaMatjhala Maridili. Liwel' iphongo hlangana nezingwe Nezingolonyama. Uye wawela noSiyengayengani UsoMeyiwa Esayenga uMbuduma ngenaka lamaza.	30
	Qanguban' ubuso abulalwa ntongo, Ngamavuk' asabona Ngumavuk' ahlambile. NguNzunza UNzunza kungadliwa zakhe Uyajabajaba, Kungadlilwa zabaland' akundaba zalitho.	35
NZUNZA:	Nango-ke uMthise wena kaMbuduma, kusuka namhlanje sizakuthathelana. Asisesezizitha thina bakaNzunza nani bakaManala.	40
ISITJHABA:	Bayede! Ndabezitha!	
NCAGU:	Ije sibeke iinkhali ngoMthise lo oligugu lokuluba. ( <i>Imbongi ibonge uNcagu.</i> )	
IMBONGI:	Thatha ikomo nasi NgekaNcagu nomzimba wakhe, Lihlungulwan' elimnyama lakoNdunakabi Elihl' emhlohlweni. Lihlalele' imhlambi yamadoda. Lihlalele yaboKotherni kaNzunza Lihlalele yaboPhethizindaba Lihlalele yabosikhethel' amaqaba kaNzunza kaNanasi.	45 50
	Kumhla sibathatha sibathela ngerhunu, Mhla kusal' uMchad' omzwazwa Omaphikwabomvu. Bath' amakhos' ayokutjhatjha ngani ingubo kaSomnungwana wamaThebe ...	55

[Ikhasi 75–77]

- 17.1 Tlola igama lendawo lapho amaNzunza aqolelana khona naManala. (1)
- 17.2 Tlola igama lomuntu wengubo uNzunza amnikela uNcagu bona kube yindlovukazi yakhe ukuze kuphele umbango hlangana namaNzunza naManala. (1)
- 17.3 Rhunyeza ummongo wekulumo-pendulwano eyaba khona phakathi kwakaNanasi banoNgendu ngemva kokuphadlhalala komhlangano ebewubanjwe yiKosi uMusi ebandla. (2)

- 17.4 Tlola ibizo lomdlali osetjenziswe njengehlanganisa emdlalweni lo. (1)
- 17.5 Tlola amaphuzu AMABILI akhombisa bona umdlalo lo wenzeka esikhathini sakade. (2)
- 17.6 Rhunyeza isehlakalo esizwakalisa ummoya wokudana esenzeka ngemva kobana uManala akhuphe ibutho lakhe kuyokuzuma uNzunza obaleke nonamrhali. (2)
- 17.7 Tlola inani lamadodana weKosi uMusi ngokuya ngomdlalo lo. (1)
- 17.8 Ingabe amagama akhutjiswa nguNanasi athi; 'Angekhe kwagoma aboManala babodwa abonina sebaba mathambo amhlophe' amveza amumuntu onjani? Ipendulwakho ayibe liphuzu ELILODWA. (2)
- 17.9 Ingabe uthini umlayezo esiwudluliselwa mtloli ngokusivezela uManala agalajwa ubukhosi bakhe ngebanga lokufika ngemva kwesikhathi ukuzokuthatha unamrhali? Ipendulwakho ayibe liphuzu ELILODWA. (2)
- 17.10 Ucabanga bona bekuyini ebeyingenziwa yiKosi uMusi ukubuyisela ubukhosi kuManala ngemva kokubona bona uNzunza umgalajile? Ipendulwakho ayibe liphuzu ELILODWA. (2)
- 17.11 Ucabanga bona uyini umnqopho womtloli ngokusivezela uTjhaba banoMbangwa bakhuluma ngamadodana wekosi uMusi esiphethweni somdlalo lo? Ipendulwakho ayibe liphuzu ELILODWA. (2)
- 17.12 Khetha ipendulo enembako kezingenzasi bese uqedelela ngayo isitatimende esingenzasi:
- Umtloli womdlalo lo uphumelele ukusethulela isethulo sawo ngendlela enembako ngombana usivezele umdlali oyikutani ...
- A nembali.  
B nomdlali oyihlanganisa.  
C nomraro aqalene nawo.  
D neemfiso zakhe. (2)
- 17.13 Ingabe umtloli womdlalo lo usiphethele wona ngendlela elindelekileko nofana engakalindeleki? Sekela ipendulwakho ngephuzu ELILODWA. (2)
- 17.14 Ingabe ingemuva nesizinda uManala akhulele ngaphasi kwaso siyakhambelana nofana asikhambelani nezenzo zakhe? Sekela ipendulwakho ngephuzu ELILODWA. (2)
- 17.15 Coca ngokuphumelela komtloli ukunikela umdlalo lo isihloko esiwufaneleko. Ipendulwakho ayibe liphuzu ELILODWA. (1)

**[25]**

**UMBUZO 18: UMBUZO OMUDE****IFINDO – Sovumani kazimkhona**

Abatloli bemidlalo basethulela abadlali babo banezenzo esithi nasiziqalasisako sikghone ukufunda litho likhulu ngazo epilweni yamambala. Akhe utshwaye ngelihlo elibukhali iimfundo ozifumana ngezenzo zabadlali abalandelako bomdlalo wesihloko esithi; *IFINDO*, uBalise, uNaMalemane, uMnguni banoNobukhazi. Esingenisweni se-eseyakho hlathulula bona yini izenzo zabadlali neemfundo. Emzimbeni coca ngeemfundo ozifumana ngezenzo zabadlali ababalwe ngehla. Esiphethweni tshwaya ngokuphumelela komtloli ekusethuleleni iimfundo ezahlukenekene ngezenzo zabadlali ababalwe ngehlab. Amagamakho awabe ma-340–390.

**[25]****UMBUZO 19: UMBUZO ONEMIBUZO EMIFITJHANI****IFINDO – Sovumani Kazimkhona**

Funda itheksthi engenzasi bese uphendula imibuzo elandelako.

**ITHEKSTHI H**

*(KuseTheresa Park, kwaMsiza. UBalise uhlezi noMnguni ngaphasi komthunzi wotjani.)*

BALISE:	Baba, linto eyenziwe ngumma ingenze ngazizwa ngimsana emzini kababa.	
MNGUNI:	Kufanele. Into le kaNaMalemane buhlola. Ingiphathisa amahloni. Ungibona ngilapha nje ngizokuncancabeza. Ayidle izitjhiyele Mrholozi.	5
BALISE:	Kulungile ba. Ngithokoza ukuzitshwenya kwakho.	
MNGUNI:	Ubutjhapha bomkami bungasikinyi ithando lenu.	
BALISE:	Buzakuhlala njani bungalisikinyi uLungile nakajama nomma? Nakuraga ngalindlela sizokugcina sitlhalene.	10
MNGUNI:	Ningathoma. Abezimu abakufuni ukutlhalana.	
BALISE:	Baba, ngikuzwe kuhle nje?	
MNGUNI:	Nangithini?	
BALISE:	Nawuthi abezimu abakufuni ukutlhalana?	
MNGUNI:	<i>(Ahleke.)</i> Ungizwe kuhle mntanami.	15
BALISE:	Uyangirareja.	
MNGUNI:	Angikusoli. Angithi wena uzazi umkhwenyana wabazalwana.	
BALISE:	Kunjalo.	
MNGUNI:	Angikutjele into ongayaziko. Mina ngiyakholelwa ebezimini. Leyo yindlela thina isitjhaba se-Afrika sikhuluma ngayo noZimu.	20
BALISE:	Umzalwana onjani okholelwa ebezimini?	
MNGUNI:	Lingubo yobuzalwana ngayembeswa ngunina kaLungile. Bengingayithandisisi yona kodwana sengayembatha ngombana ngifuna ukuthabisa unyoko. Mina ngiyakholelwa kuZimu kodwana abezimu bami ngibo abangisa kuye.	25
BALISE:	Alo vane uphahle?	
MNGUNI:	<i>(Amomothetheke.)</i> Leyo yifihlo yami.	
BALISE:	Ngambala iqiniso alikho ephasinapha.	
MNGUNI:	Utjho ukuthini?	

BALISE:	Awuthembeki emtjhadwenakho.	30
MNGUNI:	(Ahleke.) Mhlambe uqinisile. Kodwana ukungathembeki kwami akulimazi muntu. Zinengi izinto engizenze ngeenhlahla zesintu kwami unyoko angazi. Yena uzitjela bonyana zilunge ngombana sithandaza. Anginamraro ngalokho ngombana uthabile, nami ngithabile.	35
BALISE:	Kanti neenyangeni uyaya?	
MNGUNI:	Kunjalo. Kodwana naleyo yifihlwami.	
BALISE:	Alo kubayini ungitjele ifihlwakho?	
BALISE:	Ngombana umkhwenyana onethando, ubuntu nehlonipho. Angifuni umntwanami akulobe. Phela uLungile lo silukazi esingibeledhako, nguNaDlambili. Abezimu bangangiritha nangibukela umuzi kamma ugirika.	40
MNGUNI:	Ngiyakuzwa.	

[Ikhasi 66–68]

- 19.1 Tlola okwenziwe nguNaMalemane okwenza bona uBalise agcine sele akhuluma amagama awakhuluma ekuthomeni kwekulumo-pendulwano engehla le. (2)
- 19.2 Tlola isizathu esenza bona uMnguni atjele uBalise ifihlwakhe ngokuya kwetheksthi engehla le. (2)
- 19.3 Tlola umsebenzi owenziwa nguLungile naloyo owenziwa nguBalise ngokuya komdlalo wesihloko esithi, *IFINDO*. (2)
- 19.4 Rhunyeza indlela uNaMalemane azizwa ngayo ngomkhwenyanakhe onguBalise. Ipendulwakho ayibe liphuzu ELILODWA. (2)
- 19.5 Tlola OKUBILI ekwakufanele kwenziwe nguBalise banoLungile kwamphorofidi uThombeni ngaphambi kobana bakhambe babuyele ekhaya. (2)
- 19.6 Hlathulula umhlobo werarano owabamba uMnguni nakaqeda ukuzwa bona uNobukhazi umazela ifihlwakhe yokukhamba iinyanga. Ipendulwakho ayibe liphuzu ELILODWA. (2)
- 19.7 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA. (2)
- UNaMalemane uvezwe njengomuntu onezwelo emntwanenakhe uLungile. (2)
- 19.8 Ucabanga bona uBalise nakangathatha isiqunto sokulandela isiyeleliso asiphiwe nguMvimbi sokobona athathe umfazi wesibili ukuze umraro aqalene nawo urarululeke besizamphatha njani uLungile? Ipendulwakho ayibe liphuzu ELILODWA. (2)
- 19.9 Ucabanga bona ngisiphi isehlakalo esingasithatha njengesithori emdlalweni lo? Ipendulwakho ayibe liphuzu ELILODWA. (2)

- 19.10 Ucabanga bona isenzo sakaNobukhazi sokubawa uLungile bona baye e-Mall lokha nakamvakatjheleko sisitjelani ngesizinda sesikhathi abaphila ngaphasi kwaso? Sekela ipendulwakho ngephuzu ELILODWA. (2)
- 19.11 Tshwaya ngommoya ozwakaliswa yihlalo yemzini kaBalise banoLungile kusukela esethulweni somdlalo lo kufika esithorini sawo. Ipendulwakho ayibe liphuzu ELILODWA. (2)
- 19.12 Coca ngokuphumelela komtlozi ngokusethulela umdlali oyikutani womdlalo lo. Ipendulwakho ayibe liphuzu ELILODWA. (1)
- 19.13 Tshwaya ngokuphumelela komtlozi womdlalo lo ukusebenzisa iqhinga lokuzihlathulula ukusivezela bona umdlali onguNobukhazi umumuntu onjani. Ipendulwakho ayibe liphuzu ELILODWA. (2)

**[25]**

**IMITLOMELO YESIGABA C: 25**  
**INANI LOKE: 80**